

Udruženje poslodavaca FBiH
GRUPACIJA POSLODAVACA ZENIČKO-DOBOJSKOG KANTONA
ZENICA
Zenica,30.08.2012.godine

UDRUŽENJE POSLODAVACA FBiH
Upravni odbor
S A R A J E V O

Predmet:informacija o održanoj
Sedmoj sjednici Upravnog odbora
Grupacije poslodavaca Zeničko-dobojskog kantona

Poštovani,

U Zenici je 27.augusta 2012.godine održana Sedma sjednica Upravnog odbora Grupacije poslodavaca ZE_DO kantona na kojoj su članovi raspravljali o temama čiji je Dnevni red bio sljedeći:

- 1.Usvajanje Zapisnika sa Šeste sjednice . Upravnog odbora Grupacije poslodavaca ZE-DO kantona koja je održana 18.aprila 2012.godine u Zenici
2. Informacija o podsticajima za proizvođače, hotelijere, obrtnike i inovatore koje je za kantonalnu privredu pripremlilo Ministarstvo za privredu Zeničko-dobojskog kantona
3. Prijedlog za pokretanje inicijative za inspeksijsku kontrolu trgovačkih centara o poštovanju zakonske obaveze o uvrštavanju domaće proizvodnje u prodajni asortiman trgovačkih centara
4. Informacija o opterećenju privrede društvenim obavezama
- 5.Omasovljavanje Grupacije poslodavaca Zeničko-dobojskog kantona i pokretanje inicijative za obezbjeđenje poslovnih prostorija Grupacije poslodavaca Zeničko-dobojskog kantona
- 6.Razno

Upravni odbor Grupacije poslodavaca ZE-DO kantona,na sjednici održanoj 27.augusta 2012.godine, raspravljao je o Informaciji o podsticajima i subvencijama za proizvođače, hotelijere, turističke agencije, obrtnike i inovatore , koje je putem javnog poziva nedavno objavilo Ministarstvo za privredu ZE-DO kantona. Konstatovao je da bi ubuduće trebalo u ove svrhe angažovati veća finansijska sredstva kako bi se doprinijelo bržem oživljavanju poduzetništva na ovom kantonalnom području i da bi s tim u vezi trebalo pojačati kontrolu nad trošenjem i ovih sredstava za podsticaj. Ovom prilikom mnogo riječi je bilo i o ubiranju PDV-ea i s tim u vezi je kazano da bi trebalo zakonskim putem 10 odsto sredstava od PDV-ea usmjeravati za razne vrste podsticaja.Rečeno je da bi kantonalno ministarstvo za privredu trebalo sredstva za podsticaje isključivo davati firmama koje redovno izvršavaju zakonske i društvene obaveze

Privrednici ovog kantonalnog područja traže i jednu ozbiljniju analizu o opterećenju privrede raznim društvenim dažbinama. Konstatovano je da je poreski sistem destimulativan i da se zbog njega gase mnoge firme. A, vrlo je poznato da samo mala i srednja preduzeća mogu da obezbijede radna mjesta za armiju nezaposlenih radnika na području Zeničko-dobojskog kantona.

Privrednici su kategorični u zahtjevu da se zakonski propisi ubuduće ne mogu oblikovati bez sugestija i prijedloga privrednika. Mnogo kritike je upućeno i na rad Biznis centra Vlade ZE-DO kantona, Agencije za ekonomski razvoj ZE-DE, općinskih sekretarijata za privredu i drugih ekonomskih agencija koje kvalitetno ne izvršavaju svoju ulogu u današnjem vremenu u kojem je privreda ophrvana mnogim nedaćama i problemima. Pod lupom društvene kritike našao se i rad, bolje reći nerad, privrednih komora koje ništa ne čine da se privreda izvuče iz teške ekonomske krize. Postavljeno je pitanje: kako Kantonalna privredna komora Zenica može pod zakup izdavati prostorije drugim firmama, a s druge strane privrednici, koji su finansirali izgradnju zgrade Komore, nemaju prostor u kojem bi mogli da organiziraju rad svojih udruženja i asocijacija.

Ovom prilikom na sjednici Upravnog odbora Grupacije poslodavaca Zeničko-dobojskog kantona pokrenuta je inicijativa da Udruženje poslodavaca Federacije BiH upozori federalnu inspekciju da putem kontrole utvrdi da li veliki trgovački i snabdjevački centri poštuju obavezu sporazuma da u svom asortimanu imaju 50 odsto domaće proizvodnje.

Privrednici traže da nadležni organi podnesu i informaciju o efektima uvođenja fiskalizacije tim prije što se govori da je ovaj proces donio više štete nego koristi.

Privrednici su se danas složili da bi trebalo pojačati aktivnost na omasovljavanju članstva u Grupaciji poslodavaca Zeničko-dobojskog kantona kako bi se stvorila jedna snažna nevladina organizacija privrednika koja bi mogla da postane snažan partner aktuelnoj vlasti u Zeničko-dobojskom kantonu.

Upravni odbor
Rasim Salčinović, predsjednik, s.r.

UDRUŽENJE POSLODAVACA FBiH
Grupacija poslodavaca ZE-DO kantona
Zenica ,30.august 2012.godine

UDRUŽENJE POSLODAVACA FBiH
Upravni odbor
S A R A J E V O

Predmet:inspekcijaska kontrola trgovačkih centara o poštovanju zakonske obaveze o uvrštavanju 50 odsto domaće proizvodnje u prodajni asortiman

Poštovani,

U mnogim gradovima Zeničko-dobojskog kantona, a posebno u Zenici , postoje snabdjevački i trgovački centri koji su prema zakonskim propisima obavezni da u svojoj ponudi moraju imati 50 odsto domaćih proizvoda.

Grupacija poslodavaca ZE-DO kantona upozorava javnost da se s tim u vezi ne obavlja inspekcijaska kontrola i s pravom se postavlja pitanje zašto te i druge trgovinske firme nisu stavljene pod društvenu lupu kad je riječ o sprovođenju ove zakonske obaveze.

Grupacija poslodavaca ZE-DO kantona traži da se informiše javnost da li pojedini trgovački centri poštuju zakonsku obavezu da se u asortimanu ponuđene robe nalazi 50 odsto domaćih proizvoda.

Grupacija poslodavaca traži da se već jednom utvrde zakonski i drugi kriterijumi kako bi se mogla zaštititi domaća proizvodnja u kojoj se može obezbijediti najveći broj nezaposlenih radnika.Takođe, ističe se zašto se ozbiljno ne pride formiranju zadrugarstva koje umnogome može da obezbijedi garantovan plasman proizvoda.

Grupacija poslodavaca ZE-DO kantona traži da Udruženje poslodavaca Federacije BiH nadležne federalne institucije upoznaju sa ovim aktuelnim problemom i da se pojačaju federalne i kantonalne inspekcijske kontrole čiji će cilj biti da utvrde da li u asortimanu proizvoda trgovačkih centara ima 50 odsto domaćih proizvoda.

Unaprijed se zahvaljujemo.

S poštovanjem,

Predsjednik Upravnog odbora
Rasim Salčinović,s.r.

